



Universitätsbibliothek Paderborn

**Psevdo-Poenitens Correctvs. Sive Doctrina Ecclesiæ
Catholicæ, & Sanctorum, solemniorūmque Doctorum, De
Vera Poenitentia ...**

Dionysius <aus Werle>

Coloniæ Agrippinæ, 1692

Art. 2. Duodecim regulæ de injungenda poenitentia, à sacris conciliis ac
synodis, meliorisque ævi & notæ Doctoribus traditæ.

urn:nbn:de:hbz:466:1-41634

ARTICVLVS II.

DODECIM REGVLÆ DE IN-
VNGENDA POENITENTIA, A
SACRIS CONCILIIS AC SYNODIS,
MELIORIS QVE ÆVI & NOTÆ
DOCTORIBVS TRADITÆ.

REG. I. *Falsas poenitentias dici-
mus, quæ non secundum authori-
tatem sanctorum Patrum pro qualitate
criminum imponuntur.* ita Concilium
Romanum, añ. 1078. sub Gregorio
vii. celebratum can. 5. Magister sent.
14. dist. 16. S. Raymundus l. 3. summae.
Tit. 34. S. Antoninus summae Theol.
p. 3. Tit. 17. c. 20. ante §. 1. & omnes
antiqui.

*Hoc verum est, inquit S. Bonav.
Confessionalis sui cap. 3. particula 1.
nisi ex causa, consideratis circumstan-
cijs, poenitentia temperetur. Et cap. 4.
partic. 1. *Falsa, ait, poenitentia dicitur,*
*si confitens ex contemptu, & sine ratio-
nabili**

N.
A
S,
E
ci-
ri-
atc
um
rio
nt.
ne.
eol.
nes
nav.
a I.
an-
• 4.
tur,
tio-
bili

abili causa poenitentias secundum au-
thoritatem Patrum taxaras subire no-
luerit.

R
E
G. II. Per falsas poenitentias animæ
ad inferna trahuntur. ita **D.** Thomas
Opusc. 65. Facilitas enim veniæ incen-
tivum tribuit delinquendi : Et pravi
habitus per congruat media non cu-
rati rursum prorūpunt in pravos actus.
Ne dicam, quòd pœnitentiam conve-
nientem non agens , gratiam, sibi ad
standum & finaliter perseverandū ne-
cessariam, acquirere negligat ; adeo-
que facillimè temptationibus dæmonū
in extremis rursum succumbat, & pere-
at in æternum.

R
E
G. III. Ne falsas pœnitentias
imponat sacerdos , sibi ob mentis oculos
proponet Canones pœnitentiales , qui
lumen sibi & pœnitenti quoque afferant;
quò videant, quemadmodum pro pecca-
ti ratione pœnitentia & imponenda &
suscipienda sit. ita **S. CAROLUS**
BORROMÆUS, supra art. i. num. 4.
citatus.

96 Regula de pœn. injungenda.

citatus. Vide etiam S. Bonaventuram
in Confessionali, cap. 3. partic. 1. Hosti-
ensem, l. 5. Tit. de pœnitentiis & remis-
sion. §. 60. Summam Angelicam, verbo,
Confessio, Canun. 7. Bartholomaeum de
Chaymis, Interrogatorii, seu Confessio-
nalis sui parte 4. cap. 1.

CATECHISMUS ROMANUS,
de Pœnit. Sacram. cap. 13. in irroganda,
inquit, satisfactionis poena, sacerdotes
NIL SIBI SUO ARBITRATU statuendū
esse; sed onus a justitiā, prudentiā, &
pietate dirigenda existimabunt: Atque
ut hac regulā peccata metiri videantur,
& pœnitentes scelerum suorum gravi-
tatem magis agnoscant, opera pretium
erit, interdum eis significare, quæ poena
quibusdam delictis ex veterum Canonū
præscripto, qui poenitentiales vocantur,
constituta sint.

Et S. CAROLUS BORROM.
loc. cit. Patres [id est nostri usque in
seculum 16. prædecessores] docuerunt,
quæ **NECESSARIA** ADMO-
DUM

DUM sit sacerdotibus Canonum poenitentialium scientia : Etenim, si omnia, quae ad poenitendi modum pertinent , non prudentiam solum ac pietate , sed justitiam etiam metienda sunt ; Certè norma hac è Canonibus poenitentialibus sumatur oportet: sunt namque ii quasi Regule quadam ; quibus,cum ad culpa commissæ gravitatem recte dignoscendam , tum ad imponendam pro illius ratione VERAM POENITENTIAM , sacerdotes Confessarij ita dirigantur; ut, ubi singula , & quæ ad peccati magnitudinem , & quæ ad poenitentis statum, conditionem, etatem, intimumque cordis contriti dolorem pertinent , accuratè perpenderint ; tum demum poenitentiam judicio ac prudentias sua moderentur.

Unde CONCILIVM PROVINCIALE MEDIOLANENSE , anno 1565. celebratum , Constitutionum parte 2. Tit. 6. Confessores, inquit, Canones poenitentiales bene noverint. Et

E aliud

98 Regula de pœn. injungenda.

aliud ibidem anno 1579. habitum
Constitut. parte 3. §. 2. Tit. de exami-
nandis ratione , pro curâ examinando
interrogari mandat : *An Canones*
pœnitentiales recte teneant?

CONCILIOUM PROVINCIALE
BITURICENSE (Bourges in Gallia)
anno 1584. celebr. Tit. 21. cap. 8. sacer-
dotes *Canones pœnitentiales discant*, ut
modum & rationem pœnitentiae injun-
genda melius intelligant.

SYNODUS OSNABRUGEN-
SIS , anno 1628. habita, cap. 17. §. 8.
Requiritur (inter alia in sacerdote)
Scientia Canonum pœnitentialium.

SYNODUS ARCHIDIOECE-
SANA PRAGENSIS , anno 1605.
celebrata , & anno 1650. ex mandato
Archiepiscopi, recusa, Tit. de pœniten-
tiâ: *Confessarii Canones pœnitentiales*
memoria mandent, ut singulis criminis
bus congruam satisfactionem injungere
valeant.

Et quidem juxta insignes illos, post
seculi

seculi 13. mediū, Cardinales Episcopos,
S. Bonaventuram, & Hostiensem, hīc
 suprà citatos, *Vix nomen sacerdotis*
constabit in eo, qui Canones pœnitentiales
ignorat: Vel, ut Episcopus Civitatensis,
in Modo Confitendi (quem ANDREAS
 Episcopus Hispanus, S. Rom. Eccl.
 Pœnitentiarius composuit) año 1508.
 Argentinæ impresso relatus loquitur,
 Talis vix merebitur dici sacerdos.

Canones autem illi extant in com-
 pluribus libris, qui adhuc seculo 15. &
 sub initium 16. Confessariorum omniū
 manibus versabantur: ut in *Manipulo*
Curatorum, quem supra Cap. 2. art. 1. ⁱⁿ tract.
 num. 13. iam vidimus, in Episcopatu ^{sacerd.}
 Posnoniensi [in Poloniâ] Parochis
 omnibus & singulis fuisse sub irremis-
 sibili pœnâ præceptum, & in Germaniâ
 usque ad tempestatem Lutheri com-
 munissimo usu receptū item in *Pupillæ*
oculi parte 5. cap. 13. in *summâ Astesani*
 (aliâs *Astexani*) lib. 5. Tit. 32. in *summâ*
Angelicâ, ab *Angelo de Clavasio* Ordinis

100 Regula de pœn. injungenda.

Minorum , aliquoties in Provinciis,
secundūm Italos, ultramontanis Com-
missario Generali ; nec non Nuntio
Apostolico Sixti 4. post seculi 15. mediū
conscriptā, verbo ; *Confessio* 6. num. 7.
Qui etiam hæc verba subjungit : *Ad*
Regulas prædictas debet Cōfessor semper
habere oculum. Et Bartholomaeus de
Chaymis, Ordinis quoque Minorum,
in *Confessionali* suo , quod anno 1480.
typis Mediolanensibus evulgavit, parte
4. cap. 1. dictis s̄epe Canonibus ita
præfatur ideo eos , ut maturius proceda-
tur , & ne alicui ignorantia sit occasio
delinquendi , hic inserere volui. Sub-
juncti sunt etiam *Modo Confitendi* ,
anno 1508. Argentorati impressio ; ubi
Episcopus Civitatensis, eorū Collector
dicit; quòd unusquisque sacerdos cura-
tus teneatur eosdem sub peccato mor-
tali scire. Sunt denique anno 1516.
Lipsiæ , Curante Mathiâ VVeismann,
Professore Lipsiensi , seorsim impressi:
Qui etiam in Titulo dicit; quòd eorum
notitia

notitia viris Ecclesiasticis non minus
utilis, quam necessaria sit. Et in Dedi-
catione ait, se per eorundem editionē
humanae dementiae succurrendū putasse;
ut ex illis delictorum suorum poenam,
& criminum gravitatē facilius cuncti
peccatores cognoscant.

Notandum tamen, quod GUIL-
LERMUS Episc. Parif. de Sacram.
Poenit. cap. 55. dicit: Nec dubitādum est,
Confessores sequi debere Canones poeni-
tentiales; QUATENUS & fragilitati
nostrorum temporum & qualitati poeni-
tentium congruit. Et S. CAROLUS
BORROM. loco citato: Eorum Cano-
num tamen poenitentias, ut tempora
ferent, pro charitate & prudentia suā
minuet [sacerdos] prout peccati &
peccatoris circumstantia requirent: in
quibus etiam rationem habebit Contritionis
ejus, qui peccavit. Canones
enim, secundūm omnes, instruunt in
generali, qualiter pœnitentia sit impo-
nenda; sed descensum ad singularia

102 Regula de pœn. injungenda.

presbyteris discretis relinquunt : Et
hoc sensu pœnitentiaæ sunt arbitriæ.

REG. IV. Juxta antiquos Ecclesiæ
Canones pro quolibet peccato mortali
septennis esset regulariter poenitentia
injungenda. ita synodus Nemausi in
Galliâ, circa annum 1248. celebrata.
Magister sententiaum, D. Thomas, S.
Bonav. S. Raymundus de Pennafort, S.
Antonius, Scotus, & alii omnes.

Essetque in unaquaque septenii illius
hebdomadâ, juxta Pœnitentiale Rom.
& omnes alios , feriâ 2. 4. & 6. idest,
diebus Lunæ, Merc. & Ven. jejunandum
in pane & aquâ: Qui quidem dies feria
legitimæ vocari solent.

Pro quibusdam tamen peccatis mi-
nor, & pro aliquibus etiâ major pœni-
tentia per sacros Canones est consti-
tuta: Ex quibus hic ponam aliquos,
quorum notitia cuilibet pro ordinariâ
praxi sufficiens lumen
præbebit.

§. I.

§. I.

EXTRACTVS CANONVM POENITENTIALIVM E CORPORE
IVRIS CANONICI DESVMP-TORVM.

Primus. Quod si presbyter fornicationem fecerit, poenitentiam ^{10.} annorum faciat, hoc modo: Tribus primis mensibus quotidie, exceptis diebus Dominicis & festis, jejunet in pane & aqua; saccato induitus & humi prostratus misericordiam Dei jugiter implorans. Postea resumptis aliquantulum viribus, unum annum & dimidium, exceptis Dominicis & festis, expleat in pane & aqua. Hoc expletum, particeps sit Corporis Domini. Deinde usque ad completionem septimi anni singulis septimanis, excepto tempore Paschali, tres legitimas ferias in pane & aqua jejunet. Tribus vero annis sequentibus, i. e. octavo, 9. & 10. sine ulla redemptione, omni sexta feria in pane & aqua jejunet.

E 4

Quam-

Quamvis autem hic Canon agat de fornicatione casu vulgata; tamen, cum ferè totus pœnitendi modus ordinetur ad placandam Dei offendam , & penè omnia privatim, nemine conscientia, sint agenda; manifestum est, ad eandem Dei offendam pro fornicatione occultâ perfectè placandam , ordinariè pœnitentiam fermè æqualem requiri ; præsertim cum in casu fornicationis publicatæ *insuper* ordinet hic canon , ut presbyter etiam 3. mensibus includatur ; & ante completum biennium non prodeat in publicum ; nec citius ad chorum pacem, & S. Communionem recipiatur ; utque ad completum usque septenniū stet ultimo loco in choro, & interim ad cornu Altaris non accedat ; sed minorum Ordinum tantum officia gerat. Quæ quidem pœnæ in causâ fornicationis occultæ non infliguntur ; adeoque pro eadem saltem agenda esset pœnitentia æqualis illi, quæ pro fornicatione publicatâ in occulto facienda præscribitur.

Patet

Patet id 1. ex Pœnitentiali Romano,
ab Halitgario, ante seculi 9. medium
Episcopo Cameracensi & Atrebatenſi,
de scrinio Ecclesiæ Romanae sumpto, l.
6. cap. 2. ubi statuitur, quod clericus
minorum ordinum cum uxore vel
sponsa alterius congressus, si filium
genuerit, 7. annos pœniteat. Si vero
filium NON genuerit, ET INNOTI-
TIAM HOMINUM NON VE-
NERIT, 3. annos pœniteat; unum ex
his in pane & aqua. Diaconus aut
Monachus 7. annos pœniteat; tres ex his
in pane & aqua. Sacerdos decem. Episco-
pus 12. quinque in pane & aqua.

~~Idem patet 2. ex iis, quæ hic supra
art. 1. num. 13. ex Tractatu sacerdotali
sunt allegata, quæque infra §. 4. & 5. de
occultissimo mollitiei & adultery pec-
cato dicentur. Et tertio denique hoc
ipsum ex Canone sequenti est mani-
festum; qui quidem Canon est talis:~~

Secundus. *Si presbyter cognovit
filiam suam spiritualem; debet pœnitentia-*

E 5 *niam*

106. Canones Poenitentiales.

riam agere 12. annis ; & etiam debet deponi, si N.B.) crimen sit manifestum; & peregrinando 15. annis poenitere. Duodennis igitur poenitentia in hoc casu statuta est pro crimen occulto.

Sextus. *Qui cognoverit Monialem, sive devotam; decem annis poeniteat; & similiter ipsa.*

Septimus. *Qui ignoranter cognoscit duas sorores; vel matrem & filiam; vel amitam & neptem; poeniteat 7. annos; si autem scienter; perpetuo. Vide infra S. Carolum Borrom. ad 6. præceptum.*

15. *Homicida casualis poeniteat 5. annis; & hoc secundum Raymundum, si culpa casum præcessit; aliter non; nisi forte ad cautelam.*

17. *Qui dormiens suffocaverit infan- tem secum jacentem; poeniteat 3. annis; si culpa, quæ præcessit casum, sit levis; ut si posuit puerum in eodem lecto, longè tamen à se: si autem culpa sit gravis; ut si posuit puerum in medio utriusque; 5. vel 7. annis poeniteat.*

20. Per-

20. Perjurus 40. diebus in pane & aqua jejunea, & 7 annis sequentibus poeniteat; similiter & conscientius.

24. Qui mensurat in falsa mensura; [præter compensationem] 30. diebus in pane & aqua jejunet.

35. Sortilegus 40. diebus poeniteat.

44. Qui pacem cum proximo suo non facere jurat; uno anno poeniteat, & ad pacem redeat.

45. Pro perjurio, adulterio, homicidio dantur pro poenitentia regulariter 7 anni; & similiter pro fornicatione; licet non ita aspera.

§. II.

EXTRACTUS CANONUM
POENITENTIALIUM A S.
CAROLO BORROMÆO ex
Pœnitentiali Rom. Theodoro Ar-
chiep. Cantuar. Burchardo Epis-
copo Wormatiensi, & aliis collecto-
rum; qui in ejusdem *Sacramentario*
Ambrosiano octo magnas in folio

E 6 pagi-

paginas implent. Vide *Acta Ecclesiae Mediolanensis*, Parisiis añ. 1645. impressa , à pag. 408. ad 415. inclusivè.

Ad 1. Decalogi præceptum. *Qui herbas medicinales cum incantationibus collegerit; poenitentiam ageret dies 20.*

Si quis in codicibus aut in tabulis sorte ducta res futuras requisiverit; poenitens erit dies 40.

Ad 2. Præceptum. *Si quis per capitulum Dei aut caput eius iuraverit; si semel nesciens fecerit; poenitens aqua & pane 7. dies vicitur. Si secundo ac tertio, monitus idem fecerit; dies 15. Si per coelum aut per aliam aliquam creaturam; dies item 15.*

Ad 3. præceptum. *Qui opus aliquod servile die Dominico festo ve fecerit; poenitentiam ageret 3. dies in pane & aqua. Qui quidem canon utique de opere servili exiguo , & sequens de majori est intelligendus.*

Qui die Dominica opus terrenū fecerit;

Cap. 2. Art. 2. Reg. 4. 109

rit; qui navigavit, aut equitavit; dies 7.
poenitentiam ager.

Si quis pransus Missæ interfuerit;
poenitens erit dies 3. in pane & aqua.

Si quis in Ecclesia confabuletur, cum
Divina fiunt; poenitens erit 10. dies in
pane & aqua.

Si quis ieunium 4. temporum non
custodierit; poenitens erit dies 40. in
pane & aqua.

Notent hoc, qui dum horas canonicas, statuta Ecclesiæ jejunia & similia
negligunt; vel intra semetipsos, vel etiā
apud alios per summam stultitiam di-
cunt: Das ist leichter gebeichtet / als
gethan; sive, facilius est horum non
observantiam confiteri, quam obser-
vantiam praestare: Nam (ut hic art. I.
num. 1. est visum) praeter Confessionem
requiritur etiam satisfactio, quæ sit ad
nouæ vita custodiam, præteriorumque
vindictam & castigationem: Ad quæ
profectò in hoc casu nihil faciunt 5.
Pater noster & Ave Maria; Nec debet

E 7 esse

110. Canones Poenitentiales.

esse minus , sed plus incommodi in castigatione, quam fuit commodi in delicto; ut hoc illius metu vitetur. Si in correctione minor est afflictio , quam in culpâ fuit delectatio ; non est dignus poenitentiæ fructus , inquit Hugo de S. Victore l.2. de Sacramentis, parte 14 cap. 2.

Ad 4. præceptum. Qui parentibus maledixerit ; 40. dies poenitens sit in pane & aquâ.

Qui parentes injuriâ affecerit ; 3. annos. Qui percusserit ; annos 7.

Si quis presbyteri, parochive sui præcepta irriserit ; poenitens erit dies 40. in pane & aqua.

Ad 5. præceptum. Si quis ictu proximo suo dederit , nec nocuerit ; tridui poenitentiam aget in pane & aqua. Clericus, unius anni & mensium 6.

Cujus parvulus sine Baptismo per negligentiam moritur ; 3. annos poeniteat, unum in pane & aqua.

Cujus filius sine Confirmationis Sacramento

Cap. 2. Art. 2. Reg. q. III

cramento moritur ; parentes , quorum
negligentia id factum est , pœnitentiam
agent annos 3.

Si quis explende causa libidinis , vel
odij meditatione , ut non ex eo soboles
nascatur , homini aut mulieri aliquid
separit , vel ad potandum dederit , ut non
possit generare aut concipere ; homicida
teneatur .

(Canon 7. inter Anglicanos , infra
§. 4. laudandos : Qui alterum voluerat
occidisse , & implere nequiverat deside-
rium ; annos 3. jejunet ; unum scilicet
pane & aqua ; eorumque duos , prout
Confessarius suus ipsi imposuerit .)

Ad 6 præceptum . Si laicus solitus
cum fœmina soluta concubuerit ; pœni-
tens erit annos 3. Et quanto sapientius , tanto
majori pœnitentia afficietur .

Qui cum uxore sua turpiter concu-
buerit (ita tamen , ut generatio fieri po-
tuerit) pœnitens erit 40. dies . (Apud
Reginonem l. 2. de Disciplinâ Eccl. cap.
248. pro hoc eodem casu , per alium
termi-

terminum proposito , statuitur eadem pœnitentia; pro sodomitico autem scelere cum uxore exercito pœnitentia 3. annorum.)

Qui concupierit virginem , quam postea uxorem duxerit , pœnitentiam ager annum unum per legitimas ferias; si verò non duxerit ; annos 2. per legitimas ferias.

Cum duabus sororibus fornicatus ; pœnitentiam ager toto suæ vitæ tempore.

Ad 7. præceptum. Clericus furtum capitale faciens ; septennij pœnitentiam explebit ; laicus quinquennij ; & quod furatus est, reddat.

Si quis per necessitatem cibum vel vestem furatus sit ; in pœnitentia erit hebdomadas 3. si reddiderit, jejunare non cogitur.

Qui fregerit noctu alicujus domum, aut aliquid auferet ; pretium reddet, & pœnitentiam ager annum unum in pane & aqua : si [per impotentiam] non reddit,

Cap. 2 Art. 2. Reg. q. 113

reddit, annos duos. Dixi : per impotentiā ; quia eadem non excusante , secundūm omnes , non dimititur peccatum , nisi restituatur ablatum ; quanta cunque pœnitentia agatur. Quā de re vide summulam Raymundi , p. 98. & 99.

Si quis furtum de re minori semel an bis fecerit ; restituta re , pœnitentiam aget annum unum.

Qui rem inventam non reddit , fur tum committit ; idcirco tanquam defurto pœnitentiam aget.

Si quis usuras accipit , rapinam facit ; ideoque quicumque illam exegerit ; pœnitentiam aget annis 3. uno in pane & aqua.

Ad 8. præceptum. Qui affirmavit verum , quod falsum est ; pœnitentiam aget ut adulter , ut homicida ; qui sponte id facinus admiserit. Burch. l. 19. Tit. de fals. Test. Pœnit. Rom. Tit. 2. c. 13.

Qui proximo falso crimen obijcit ; pœnitentia afficitur , ut falsus testis.

Qui

Qui proximio peccatum imputarit,
prinsquam seorsum eum arguerit; pri-
mum illi satisfaciens, poenitentiam ager-
et dies.

Ad 9. præceptum. Rem alienam ne
fariè concupiscens, avarusque; poenitens
erit annis 3.

Ad 10. præceptum. Si quis concu-
piscit fornicari; si Episcopus, poenitens
erit annos 7. si Presbyter, 5. si Diaconus
vel Monachus, 3. è quibus unum in pane
& aqua, Si Clericus aut Laicus, annos 2.

Si quis in somnis ex immundo desi-
derio polluitur; surgat, & cantet (i. e.
devotè legat) 7. psalmos poenitentia-
les, & dies 30. poeniteat. Scilicet clericus
majorum ordinum.

Si Clericus [minorum ordinum] aut
laicus ex mala cogitatione concupis-
centiaque (absque contrectatione, vel
agitatione partium venerearum) semen
effuderit, poenitens erit dies 7.

Tit. de gulâ & ebrietate. Sacer-
dos imprudenter ebrius factus, pane ej
equa

Cap. 2. Art. 2. Reg. q. 115

aqua poenitentiam agat dies 7. si negli-
genter , dies 15. si per contemptum ,
dies 40.

Qui humanitatis carna alium ine-
briare cogit , poenitentiam aget dies 7. si
per contemptum , dies 30.

Qui præbrietate aut crapula vo-
mitum fecerit , si Presbyter aut Diaconus :
poenitentiam aget dies 40. si Mona-
thus aut Clericus , dies 30. si Laius , dies
15. Burch. l. 14. c. 13.

Quæ §. 1. adductis conveniunt , hic
nolui repetere ; uti nec §. sequenti ea ,
quæ vel hoc vel præcedenti §. sunt
allata.

§. III.

EXTRACTUS CANONUM POE-
NITENTIALIUM , A REGI-
NONE , añ. 892. in Abbatem Mo-
nasterii prummensis in dioecesi
Trevir. electo ; viro cui seculi facile
doctissimo & piissimo , circa annum
906. collectorum ; quo ad ea , quæ
in

in prioribus vel omnino non , vel
minùs clare tanguntur.

Lib.1.de Discipl.Ecclesias t.cap.299.

*Si nesciens pejerasti , annum unum , &
3. quadragesimas poenitere debes. Scil.
primam ante Natalem Domini 2. ante
Pascha. & 3. circa festum S Joannis
Baptistæ, ut habet Pœnitentiale Rom.
cap. 24.*

*Dixisti falsum testimonium NES-
CIENS, annum unum poeniteas.*

*Nupsisti (i. e. coivisti cū uxore tua)
die Dominico , 3. dies poenitere debes.*

*Odisti fratrem tuum , quādū in
ipso odio fuisti , tam diu poeniteas in
pante & aqua.*

*Contigit tibi aliqua negligentia de
sacrificio Domini , dies quadraginta
poeniteas.*

*Contempsti indictum jejunium in
Ecclesia , vel decreta seniorum , 40.
dies.*

Lib. 2. Cap. 133. *Ancilla [à Domi-
no suo] vim passa , 40. dies : si consen-
tiens*

Cap. 2. Art. 2. Reg. q. 117

tiens fuit , tres in anno Quadragesimas,
& legitimas ferias poeniteat.

L. 2. c. 247. Puer se manibus invi-
cem coinquinantes, 40. dies poeniteant:
Majores vero centum dies Puer vo-
luntariè se polluens, 30. dies ; Juvenis
vero 40. dies poeniteat.

L. 2. c. 250. Qui per illecebrosos am-
plexus foeminae , vel per osculum pollui-
tur , 30. dies poeniteat.

Ib. Qui tetigerit inverecundè car-
nem foeminae , 3. menses poeniteat.

Ibid. Presbyter , si osculatus fuerit
foeminam per immundum (sensualita-
tis ex ipso osculo , & non aliter cap-
tandæ) desiderium , viginti dies poeni-
teat : Pro desiderio fornicandi vero
5. annos , ut supra ad 10. præceptum
jam vidimus , pœnitere debet sacer-
dos.

Laicus secularis pro illeccbroso of-
culo , sine coinquinatione facto , juxta
Pœnitentiale Cumeani debet 7. dies
poenitere in pane & aquâ.

§. III.

§. IIII.

DE POENITENTIA PRO OC-
CULTISSIMO MOLLITIEI
PECCATO IMPONENDA ;
EX QUA DE ALIIS PECCA-
TIS CARNALIBUS OCCUL-
TIS JUDICIUM POTEST
FORMARI.

Mollities, juxta B. Petrum Damiani, est primus sceleris sodomitici gradus; & adeo contra naturam, ut à nullâ unquam bestiâ sit perpetrata: *Nimirum hoc perditi homines perpetrare non metuunt, inquit idem, quod ipsa quoque bruta animalia per horrescunt: Quod ab humanae pravitatis temeritate committitur, irrationalium pecorum iudicio, condemnatur.* Et Martialis, quanquam Gentilis ac valde impurus Poëta, de hoc tamen scelere lib. 9. ante medium, Epigrammate in Ponticum ita scribit: *Hoc nihil esse putas? scelus est, mibi crede; sed ingens;*

Quan-

Cap. 2. Art. 2. Reg. q. 119

Quantum vix animo concipis ipse
tuo.

Ipsam crede tibi Naturam dicere re-
rum:

Istud, quod digitis, Pontice perdis,
homo est.

Levissima verò omnium à veteribus
pro hoc eodem scelere statutarū pœ-
nitentia est , quam ex Pœnitentiali
Rom. tit. 3 cap. 15. nec non ex Bur-
chardo, l. 17. c. 27. affert. S. Carolus
Borrom. ad 6. Præceptum. Nimisrum:
*Vir se inquinans primo , poeniteat dies
10. si iterum , dies 20. si tertio , dies 30.
sique nefariè agere perget, poenitentiae ei
accessio fiet. Si puer [nefariè agere per-
get] dies 40. si maior 15. annis , dies
centum.*

VENERABILIS BEDA , l. de
Remediis peccatorum, Tit. 2. *Puer se
ipsum voluntariè polluens , 30 dies poe-
niteat; iuvenis 40. ita & Regino, hic §.
3. allatus.*

POENITENTIALE GALLI-
CANUM,

CANUM, ante annos mille conscrip-
tum, à Mabillonio repertum , & Tom,
1. Musei Italici, in fine Sacramentarii
Gallicani anno 1687. editum Can. 14.
*Si quis propter concupiscentiam vel li-
bidinem se ipsum fornicaverit ; annum
unum poeniteat.*

CUMEANUS, circa annum 630.
Abbas Hiensis, in Confinibus scotia &
Hibernia, lib. de Mensura pœnitentia-
rum [non ab ipso, sed à Patribus defi-
nitâ] Cap. 1. *Vir se ipsum coquinans,*
*in primo centum dies poeniteat ; et ite-
rans, annum unum. SI CUM GRA-
DU EST, ADDATUR POENI-
TENTIA. Puer 15 annorum , 40.
dies.*

CANONES ANGLICANI,
circa annum 969. sub Edgardo, omnium
Britannia Regum sapientissimo, for-
tissimo ac potentissimo dati , atque ab
codem subditis comendati, Tit. Mo-
dui imponendi pœnitentiam , Can. 38.
*Si quis propria sua voluntate se ipsum
polluat,*

polluat, ieunet 3. annos ; & in eorum
quolibet 40. dies in pane & aqua ; &
abstineat à carne in unaquaque [illius
triennii die] excepta die solis.

Ex Græcis JOANNES NEUSTE-
TES, sive jejunator, ab anno. ad 585.
ad 596. Patriarcha Constantinop. in
Canonario vel Pœnitentiali suo : *Qui*
mollitatem commisit ; 40. dies plebitur,
siccis vescens , & qualibet die poeniten-
tias centum peragens ; id est, se se quoti-
die centies in terram posternens , &
simul Pœnitentiali quadam oratiuncu-
lâ ad Dominum ingemiscens. Canonæ-
rium verò istud Neustetes ita conclu-
dit : Hæ sunt definitiones epitimiorum,
levissimorum quidem, & nimia relaxa-
tione facillimorum à metraditorum. Im-
mò idem Neustetes à compluribus
Græcis , quasi ob nimiam epitimio-
rum, id est, pœnarum vel pœnitentia-
rum lenitatem fuit malè notatus.

Præscribit quidem ille pro fornica-
tione duos; & pro adulterio tres pœni-

F tentiæ

tentiæ annos ; Verùm sub hac ratione, ut tam fornicator , quām adulter QUOTIDIE usque ad vesperam ieunet, ac non nisi siccis vescatur; & insuper quotidie poenitentias ducentas quinquaginta [modo jam statim exposito] peragat : ubi eundem satis prudenter arbitratum fuisse crediderim ; uti & in casu mollitiei ; saltē pro primâ , secundâ, aut tertiâ vice.

Rursum CUMEANUS loco cit :
Qui turpiloquio vel aspectu coquinatus est, tamen non voluit fornicari corporaliter; 20. vel 40. dies poeniteat. Si autem impugnatione cogitationis vio- lenter coquinatus est; 7. dies poeni- teat.

Et VEN.BEDA loco cit. *Qui in turpiloquio polluitur negligens, 7. dies poeniteat. Qui impugnatione cogitationis & naturæ inquinatur nolens, per 4. dies 50. psalmos canat (i.e. devotè legat) & 4. & 6. feriâ jejunet ad Nonam [i.e. ad Tertiam pomeridianam]. vel ad vespe-*

vesperam. Vide etiam h̄ic supra collectionem S. Caroli Borrom. ad 10. præceptum. Negligentiam verò h̄ic à Ven. Bedā minorem , & majorem apud Cumeanum supponi credo.

§. V.

Ex his verò de aliis peccatis carnalibus
occultis judiciū potest formari: Quā-
vis enim mollities ex suā specie sic
gravior omni peccato, quod cū quā-
cunque fœminā modo naturali cō-
mittitur, ut apud Sinnichium in Saul
Ex rege lib. I. cap. 113. §. 430. Ges-
vvaldam de Bononijs, de 6. præcepto.
Tract. 12. cap. I. qu. 9. num. 37. & D.
Thomam 3. 2. qu. 154. art. 13. licet vi-
dere ; alia tamen peccata carnalia
propter circumstantias ; tum scāda-
li, per quod etiam complex pertra-
hitur in gehennam ; tum nocumen-
torum, quæ eadem, quantum in ipsis
est, inferunt Ecclesiæ, Reipublicæ,
legitimis hæredibus, ipsisque proli-

F 2 bus

124 Regula de pœnitentiâ injung.

bus illegitimis [nequid de violatio-
ne voti, fideique ac Sacramenti, in
casu sacrilegii & adulterii dicam]
sunt graviora.

Sanè, quoad adulterium occultum,
S. BONIFACIUS, Germanorum
Apostolus, & Archiepisc. Mogunt,
anno 741. (ut Chronicon Magdeb.
manuscriptum ac per vetustum testa-
tur) generalem (Germanorum & Gal-
lorum) Synodum Moguntia adunavit,
& Canonum instituta RENOVAVIT.
Quos inter Canones hic quoque fuit:
*Mulier habens virum, si adulterium
perpetraverit, & OCCULTE ad
confessionem venerit; 7. annis pœnitentia.*
ita testatur Isaac Episcopus Lingonen-
sis, in collectione canonum illorum,
Tit. 3. cap. 9.

Circa quem casum *Joannes de Bur-
go*, universitatis Cantabrigiensis in
Angliâ Cancellarius, in *Pupilla oculi*,
anno 1395. conscriptâ, Cap. xi. docet,
quòd sacerdos non debeat maritatæ,
præpter

Cap. 2. Art. 2. Reg. q. 125

propter adulterium injungere poenitentiam, per quam marito possit reddi suspecta; sed assiduam compunctionem cordis; & ut non exigat debitum tempore pénitentiae, quatenus suapermiserit fragilitas; & ubi habuerit opportunitatem, genuanudata flectat, pectus tundat, & frequenter instet orationibus, &c.

SUMMULA quoque de summâ S. RAYMUNDI extracta, ac Coloniæ anno 1498. 1500. 1506. & 1508. impresa, de hujusmodi muliere tractans, sic canit:

Talis adulterium si fecit non manifestum,

Ne suspecta viro sit, non luat hoc manifestè.

HUJUS POST MORTEM luat illud sufficienter.

Matronæ juvenes possunt explere CARENAS. [a]

In domibus proprijs, licet haec non egreditantur.

126 Regulæ de pœnitentia injung.

Jejunent, orant, jaceant in stramine,
nudis

Incedant pedibus, & vadant cili-
ciatæ.

Præterea plures sunt emendando la-
bores.

Illi utantur, &c.

[a] id est tres Quadragesimas quolibet
anno jejunandas in pane & aqua.

Si verò talia pro adulterio occulto
à fragili requiruntur matronā ; an pro
concubitu sacrilego, pariter occulto,
leviora injungenda sunt viro, qui om-
nipotenti Deo castitatem solemniter
vovit ? quique propter purissima, quæ
tractat, Dei mysteria, deberet omni
solis radio purior esse ?

Denique inter Canones Anglicanos, §. 4. laudatos, Canon 37. Si quis,
inquit, cum bestiâ coeat, jejunet 15.
annos; scilicet 8. in pane & aquâ; & in 7.
reliquis tres quadragesimas quolibet an-
no. Diebus autem Mercurii & Veneris
usque dum vixerit; & defleat semper
iniqui-

iniquitatem illam. Hic verò manifestum est agi de bestialitate occultâ: manifesta enim nullibi ultrices flamas , nisi per fugam & latitationem vel olim evasit, vel etiamnū evadet. Huic autē ferinè similis pœnitentia pro sodomiâ perfectâ, & coitu cuin propriâ vel ma- tre vel sorore est peragenda.

Judicavit nimirum sancta Dei Eccle-
sia & antiquitas veneranda , adeo ex-
cramdum esse peccatum mortale , ut
pro eodem Deus ordinariè non nisi per
pœnitentiam septem annorum plenè
ac placari possit ; scilicet ab iis ,
qui pœnitent quidem, sed sine extra-
ordinario quodam fervore. Quando
autem pœnitentia interior est vehem-
ens & intensa; tunc eadem , quemad-
modum pœnitentiam quoque exterio-
rem peccatis suis convenientem agit ,
vel faltem agere proponit aut deside-
raret ; ita etiam Deum, pro diversitate
graduum intensionis , multò citius ;
imò & citissimè ex toto placare potest ;

128 Regula de pœnitentia injung.

ut cap. Si Presbyter 26. qu. 6. ex JULIO
Papâ & Cap. in Actione de Pœnitentiâ,
distinc. 1. ex S. Augustino docetur.
Quia Dominus non solum temporis, sed
etiam cordis inspecto est [inquit JU-
LIUS à Gratiano allegatus] sicut latro
unius momenti pœnitentiâ meruit esse in
paradiso. Et S. AUGUST. in Enchri-
dio, cap. 65. in Actione pœnitentia non
ram consideranda est mensura temporis,
quam doloris. Unde & in causâ crimi-
num occultorum Ecclesia pœnitentia
tempora & modos semper commisit
circumspecto fæcerdotis arbitrio. Hæc
de remedii peccatorum ex priorū mo-
numentis excerptimus , inquit REGI-
NO, lib. 1. cap. 299. Solerter admonentes
doctum quemque fæcerdotem Christi, ut
in universis, quæ hic annotata repererit,
sexum, etatem, conditionem, statum,
personam, intellectum ; ipsum denique
cor pœnitentis curiosè discernat ; Et se-
cundum hæc, ut sibi visum fuerit, singula
queque dijudicet. Et Canones Angli-
cani,

cani, hic supra laudati, tit. *De satisfac-
tione*, num. 9. *De operibus cuiusque
potest Confessarius secundum canones
inquirere, & moderari juxta vires &
facultates confitentium*; prout sentiet
cordis unius cuiusque compunctionem
& **SOLlicitudinem.** Optimè
profectò: solæ etenim lachrymæ, quan-
tumcunque uberes, non modò Confes-
sarium, sed ipsum quoque pœnitentem
persæpè fallunt. Unde juxta modum
sollicitudinis, quâ quis Deum placare
fatagit, de intensione vel remissione
Contritionis est judicandum: Quippe
quæ, juxta Catechismum Rom. cap. I.
art. 5. num. 2. citatum, *maxime versatur
in eo*; quâ ratione contumelias Deo
factas per congrua humilationis offi-
cia compensare velit ac valeat.

Illud verò sollicitè est observandū
quod pœnitentia interior debeat sem-
per usque ad finem vitæ durare; ut D.
Thomas 3. p. qu. 84. art. 8. & 9. S. Bonā-
vent. Confessionalis sui cap. 4. partic.

130 Regulæ de pœnitentia injung.

3. & Catechismus Rom. de Pœnit. Sac.
cap. 13. aliquique innumeri docent , &
Canones Anglicani , hic §. 4. laudati,
multoties monent : Quorum quidem
Canonum sextus, Titulo, *Modus impo-*
nendi pœnitentiā, sic habet: Si laicus lai-
cum sine causā occiderit; pane & aqua 7.
jejunet annos; & eorundem quatuor, pro
ut Confessarius suis instituerit: Emensa
verò septennali illa pœnitentia , scelus
tamen SEMPER LUGEAT OMNI,
QUA POTERIT , INDUSTRIA;
propterea, quod incognitum est homini-
bus, qualiter APUD DEUM valuit
eius pœnitentia. Canon quoque 17.
Quisquis, ait , conjugium fregerit , sive
uxor, sive maritus ; tres dies in qualibet
hebdomada in pane & aqua per septen-
nium jejunato. Et Canon. 20. Lugeant
autem [tam adultera , quam adulter]
transgressiones suas QUOAD MOR-
TEM.

Notent hæc, qui paulò post confes-
sionem peccatorum , etiam adulterio
gravio-

graviorum , ineptissimè ridendo ac
nugando dictitare solent , se se ea
boni cuiusdam sacerdotis aut Monachi
vel humeris imposuisse , vel intrusisse
cucullo ; qui viderint quomodo & quo
eadem portent.

Quamvis pœnitentia [quo ad mo-
dum] sint arbitrariae, inquit S. Bona-
ventura in *Confessionali* suo , cap.
partic. 1. semper tamē pro quolibet n-
tali septennis pœnitentia est imponenda.

S. VINCENTIUS FERRERIUS,
Domin. 15. post Trinit. serm. 2. Quali-
tas , inquit , pœnitentia in peccatis
mortalibus minoribus , est in arbiterio
Confessoris ; scilicet , quod (pœnitens)
ieuniet semel in hebdomada , vel in men-
se : si vero peccatum mortale sit maius , ut
homicidium , perjurium , &c. & qualitas
pœnitentia erit maior ; sed quantitas
temporis (utroque) erit 7. annum ^{or}
(videlicet ; si Contritio non sit intensa :
quia secundūm Doctores in Quartum
commentantes , consideratā quantitate

132. Regula de pæn. injungenda.

intensionis illius, poenitentia sunt
arbitrariae utroque modo: Quibus &
S. Vincentius consentiens, post pauca
subdit.) Quoties iurasti in vanum, vel
falsè; computa 7. annos de pænitentia
pro qualibet vice. Item; quoties fregisti
festa de quolibet opere servili; item non
audiendo Missam; numera pro qualibet
vice 7. annos. Item, quoties despexisti
parentes CORDE (Notabis pecca-
tum planè occultum) vel opere; nume-
ra pro qualibet vice 7. annos &c. Fortè
est aliquis ex suis peccatis obligatus in-
centum mille annis de poenitentia. ô, dices
tu: si Confessor non dedit tantam poeni-
tentiam? verum est; sed iam est taxata
[à sanctis Patribus, Dei voluntatem
scientibus] si dicas: ego non vivam tan-
tum; verum est; ideo complebitur in pur-
gatorio. ô, dices: Purgatorium non
durabit tantum. Solutio; proper
hoc congregabit Deus poenam centum
vel mille annorum totam in una die.
O quis poterit sustinere! &c. Vide
quoque

Quoque eundem Dom. 2. post octavas
Paschæ, ferim. 1. §. Quantum ad quar-
tum.

Benevolus verò Lector meminerit,
Concilium quoque Trident. sess. 14.
cap. 2. docere, quòd ad plenam peccato-
rum omnium remissionem per Sacra-
mentum Poenitentia, sine nostris magnis
fletibus & laboribus pervenire nequa-
quam possimus.

REG. V. SACERDOS CURET,
QUANTUM FIERI POTEST, UT
CONTRARIAS PECCATIS
POENITENTIAS INJUNGAT;
veluti avaris eleemosynas; libidinosis ie-
nnia, vel alias carnis afflictiones, &c.
ita Rituale Romanum. Tit. ordo mini-
strandi Sacramentum Poenit. Catechis-
mus Rom. de Poenit. Sacram. cap. 10. Sy-
nodus Colon. circa annum Dom. 1230.
celebrata, Tit. 8. Synodus Nemausen-
sis in Galliâ circa annum 1284. Tit. de
Poenit. synodus Exoniensis in Anglia
anno 1287. in summa sacerdotibus ad

F 7 obser-

134 Regula de pœnit. iniungenda.
observandum imposta , Concilium
Provinciale Nimociense in Cypro, año
1298. cap. 4. Concilium Prov. Mogun-
tinum, anno 1549. cap. 3. Synodus Of-
nabrug. anno 1628. cap. 17. §. 8. Pro pec-
cato, inquit, luxuriae (sacerdos injun-
gat) ieiunium & continentiam ; pro
avaritia largitatem ; profurto, primò
restitutionem , deinde opera misericor-
diae.

JOANNES DE BURGO Can-
cellar. Cantabrig. in Pupilla oculi, cap.
xi. Contra avaritiam (injungatur)
aliena reddere , & sua largiri. Contra
acediam (injungenda sunt) opera la-
boriosa bona ; ut sunt peregrinationes ad
locas sancta ; laborare pro pauperibus, &
pro miserabilibus personis , & similia.
Contra luxuriam opera carnis afflicti-
va; ut ieiunia, vigiliae, discipline, cilici-
um, lectus durus. Gulesis iniungatur, ut
ieiunent in pane & aqua ; ET UT
TANTUM CIBI ET POTUS
DENT PAUPERIBUS, QUAN-
TUM

Cap. 2. Art. 2. Reg. 6. 135

TUM SUMPSERINT ULTRA
MODUM. Vide & Scotum in 4. dist.

15. qu. 1. art. 3.

REG. VI. Si aliquis dignitatem ha-
bens; ut Prelatus: vel scientiam; ut; Cleri-
cus: vel Ordinem; ut subdiaconus, Dia-
conus, & sacerdos: vel votum; ut Religio-
sus: vel astatem; ut senex (cum sit venus
in fine ridiculosa) peccatum perpetra-
verit; TUNC EST MAJOR ET
GRAVIOR POENITENTIA IN-
JUNGENDA. Ita Concilium Pro-
vinc. Ni nociente, anno 1298. celebra-
tum, cap. 4.

CONCILIO ANGLIC. hic
Regulâ 4. citatum, tit. de Confessione,
num. 3. Quanto quis potentior est, &
majoris dignitatis, tanto gravius pro
peccato CORAM DEO & hominibus
corrigendus est.

S. JOAN. CHRYSOST. lib. 6. de
sacerdotio, post medium: ostendere
volens Deus hominum peccata longè
majori supplicio expiari, dum à sacer-
dotibus,

136 Regula de pœn. injungenda.

dotibus, quam à privatis fiunt; mandat
Levit. 4. ut tantundem à sacerdotibus,
quantum pro universo populo sacrificiū
offeratur: Quod quidem quid aliud
signat? quam sacerdotis vulnera majo-
ri medicamento atque auxilio indigere;
atque adeò tanto, quanto conjuncta
simul universi populi vulnera indigent.
Porro majorinequaquam indigerent,
nisi ea graviora forent: Atqui graviora
certè fiunt, non natura ipsā, sed sacerdo-
tis, qui ea commiserit, conditione ac
dignitate.

Facit huc, quod S. BERNARD. l.
2. de considerat. cap. 13. dicit: inter secu-
lares nuga, nuga sunt; in ore sacerdotis
blasphemiae. Et Concilium Tri. sess. 22. de
Reformatione, cap. 1. de clericis agens,
Levia etiam, inquit, delicta, QUÆ IN
IPSID MAXIMA ESSENT, effu-
giant.

REG. VII. Pœnitens, fragilitatem,
societatem, aliasque causas allegans,
primo (N.) inducendus et animandus

est.

Cap. 2. Art. 2. Reg. 7. 137

est ad subeundam satisfactionem suffici-
entem: ac deinde eidem imponenda est
pœnitentia, quam possit ac velit portare;
ne forte peccet postea deterius, pœniten-
tiam infringendo. ita Synodus Nemaau-
fens. Regula 4. citata. S. Raymund. de
Pennaf. in summâ suâ l. 3. Tit. 34 quæst.
135. A stefanus l. 5. Tit 31. Scotus in 4.
diſt. 15 quæſt. 1. art. 3. S. Antoninus in
summa Theol. p. 3. Tit. 17. c. 20. ante §. 1.
Joan. de Burgo in Pup. oc. c. xi. Mani-
pulus Curatorum anno 1333. scriptus,
Tract. 4. summa Rudium, & alii.

Docentque S. Raymundus, loc. cit.
ejusdemque glossator Guillelmus Rodo-
niensis, Ioannes de Friburgo, summa
Rudium, summa Angelica, & alii, quod
ob probabile omissionis periculum
concedendum sit pœnitenti, ut opus
inunctum possit ex causâ alio opere
æquivalente redimere: vel; ut, si aliquâ
die omittat pœnitentiam inunctam,
possit in alio die sequenti recuperare
illam. Quarendum etiam est ab eo, si
potest

138 Regulæ de pœn. injungenda.

potest illam facere , vel dubitat ; quia
tunc non est injungenda illa , sed alia,
quam potest facere ita S. Antoninus ex
ord. Præd. Archiep. Florent. anno.
1459. defunctus, in Confessionali suo
parte 4.

D. THOMAS, Quodlibeto 3. quæst.
28. docet, quod sacerdos possit satisfa-
ctionem injungere etiam arbitrio ip-
sius pœnitentis; v.gr. *Facias hoc si potes;*
& si non potes, facias hoc. ita etiā docet
S. Raymūdus loco paulò antecitato.

JOAN. DE BURGO, hic quo-
que citatus, sacerdos, inquit, nullum
finat peccatorem à se recedere desperatū
propter gravitatē pœnitentia; sed potius
ei imponat , ut QUOLIBET DIE
^{dicat} ~~vet~~ , ~~quid~~ unum Pater noster ;
QUALIBET septimanā vadat ad
Ecclesiam; vel aliquid leviūs, quod merā
suscipere voluerit voluntate.

Hoc tamen sanè intellige, inquit S.
Antoninus p.3. Tit. 17. cap. 20. videli-
cet, si alias ipsum pœnitet; & paratum
se

se dicit facere, quod deber; sed onus
pænitentia dicit nō posse sufferre. Idem-
que monet SYLVESTER Prieras,
sub Leone x. Magister S. Palatii, ac
deinde totius ord. Præd. generalis,
verbo, Confessor. 4. §. 2

D. THOM. Quodlib. 3. qu. 28.
Melius est, ait, quod sacerdos pænitentiā
[quem propter grave pondus satisfa-
ctionis timeret desperaturum] indicet,
quanta pænitentia esset sibi pro peccatis
injungenda; & injungat sibi nihil omi-
nus aliquid, quod pænitens tolerabiliter
ferat; EX CUJUS IMPLETIONE
ASSUEFIAT, ut majora impleat,
quam sacerdos sibi injungere attenta-
set. Verūm; poteritne ad hæc assuefieri
per hoc, quod semel pro semper recitat.
5. Pater noster, aut 7. psalmos?

SCOTUS in 4. dist. 15. qu. 1. art. 3.
Cum, inquit, pauper aliquis est furatus;
si contritio non sufficiat, non deber pec-
carum omnino manere inultum: Non
potest autem eleemosynas dare; NEC
ORA-

ORARE, nec jejunare propter continuum labore pro viatu necessario. Ergo, quia ipse labor continuus est sibi continuum jejunium, tantummodo inducendus est, ut illum laborem subeat in remissionem peccatorum (eundem vide licet in & per Vulnera CHRISTI JESU , in unione laborum & passionis ejus, aeterno Patri humillimè offrendo) saltem quoisque occurrat sibi opportunitas solvendi aliquam aliam satisfactionem. Consimiliter dives, qui lapsus est ad peccatum carnis, si est adeo delicatus, quod non velit jejunare, nec aliquam macerationem notabilem subire (nimirum voluntate rationabili , propter nimiam difficultatem) vel presumitur, quod , si sibi imponeretur , citò abjiceret , et sic peccaret novo peccato; inducendus est adorationē et eleemosynas; et illud sibi imponendum est, quod creditur (N.) PERSEVERANTIUS (nō utique brevissimas preces semel pro semper fundendo) adimplere.

Pauper,

Pauper, qui furatus est, inquit hic SCOTUS, non potest pro pœnitentiâ orare. At quisnam adeo pauper est, ut non possit præ necessario labore unum alterumve Rosarium, præsertim die Dominicâ, vel in aliâ festivitate orare? profectò nullus. Vul tigitur hic Scotus, quod pauper non possit pro peccato mortali tantum orare, quantum in congruam satisfactionem sufficit: hoc est, quod non possit plerumque jejuniis preces alere; ingemiscere, lachrymari & mugire DIES NOCTESQUE; id quod ex oratione mandare TERTULLIANUS lib. de pœnit. c. 9. docet. Vel non potest ut juxta S. CYPRIANUM lib. de lapsis, prope finem, oportet) orare impensius & rogare; diē luctu transfigere; vigiliis noctes ac fletibus ducere; tempus omne lachrymosis lamentationibus occupare. Vult, inquam, scotus, quod confitentes, ut ibidem pluribus docet, sint cum omnî humanitate & discretione tractandi;

&

142 Regula de poenit. injung.

& tamen pro peccato gravi non debent brevissimæ preces unâ duntaxat vice dicendæ, injungi. *Oratio non habet rationem satisfactionis, nisi quæ, & quantum habet poenam sive carnis afflictionem,* inquit D. THOMAS in 4. dist. 14. art. 4. in solutione quæstiunculæ 3. ad 1.

Quod verò SCOTUS loco cit. docet absolvendum esse confitentem, qui dicit se habere displicantiam de peccato commisso, & firmum propositum non recidivandi, etiam si omnino nullam pœnitentiam velit suscipere; hoc nequam de alio aliquo, quam de homine temptationibus quaesitæ, in casu desperationis timendæ dicit; qualis est homo scrupulosus, qui in quibuslibet operibus obligatoriis maximas turbationes & anxietates sentit; cui proinde ad certum aliquod pœnitentiæ opus non obligato, potest indeterminatè, quicquid boni fecerit, vel mali patienter sustinuerit, in satisfactionē injungi. Cæterà verò

verò ibidem ad secundum SCOTUS agnoscit præceptum de aliquâ poenâ infligendâ ; & quod contritio includit aliquam satisfactionem, in voto saltem. videlicet, quando est exigua & remissa: Magna enim, vehemens ac valde intensa contritio, & ipsamet sufficiens satisfactionis est ; & nihilominus ardens satisfactioni votum includit. Atque hæc quidem contra calumniam Doctori subtili ab aliquibus factam hoc loco sint dicta.

Porro hac Regulâ diligenter observatâ, sacerdos non tantum sine suo periculo potest, sed etiam debet pœnitentem cum levi pœnitentiâ ad purgatorium dimittere ; ne faciat eundem desperare, atque ad inferos præcipitem ire.

REG. VIII. Confessor, cum minorem pœnitentiam debitâ imponit, debet innocentere confessi, quod illa imposta non est condigna ; ne decipiatur, putans ipsam sufficere ; sed quod deberet pro quolibet

quolibet mortali septennem agere pœnitentiam; quam si hic non faciet, luet in purgatorio. ita S. Antoninus summæ Thol. Tit. 17. cap. 20. ante §. 1. D. Thomas & Scotus Reg. 7. citati. S. Raymundus l. 3. summæ, Tit. 34. qu. 135. S. Carolus Borromæus hic Regulâ 3. sub finem laudatus, & alii. *Demonstrabit tamen [sacerdos] iis, qui gravius peccarunt, [quomagis scelerum suorum gravitatem agnoscant] quanta ipsis pœnitentia ex canonum regulis impo-nenda esset*, inquit ibidem S. Carolus Borr.

REG. IX. *Infirmus, qui necessitate mortis urgente confiteretur peccata sua, sub eâ conditione à sacerdote reconcilie-tur, ut, si ei Dominus vitam donaverit, sanitatemque reddiderit, secundùm qualitatem delicti omnimodis pœniteat.* ita Concilium Nannetense in Galliâ circa annum 658. can. 5. Concilium Moguntinum anno 847. can. 26. synodus Neinausensis Reg. 5. cit. synodus Cicestren-

Cap. 2. Art. 2. Reg. x. xi. 145

Cicestrensis in Angliâ anno 1289. can.
16. Synodus Bajocensis in Gal. anno
1300. can. 78. S. Antoninus in Confes-
sionali, parte 4. cap. ult. & alii. Memine-
rit porro sacerdos, inquit Rituale Rom.
*ægris non esse injungendam GRA-
VEM aut LABORIOSAM pœniten-
tiam ; sed INDICENDAM tantum
ILLAM ; quam, si convuluerint, oppor-
tuno tempore peragant.* Interim juxta
gravitatem morbi aliquâ oratione, aue-
levi satisfactione impositâ, & acceptata
absolvantur, pro ut opus fuerit.

REG. X. Hominibus novis in fide
debet pœnitentia minor imponi. Cap.
Deus, qui. De pœnit. & remiss. l. 5.
Decretal. Hi enim antequam transirent
ad castra Dei, vel secum ipsis, vel etiam
cum seculo nequam habuerunt gravis-
simam luctam ; quam ob causam nutri-
cendi sunt lacte, non escâ.

REG. XI. Posset esse tanta contritio
conscientis, quod pro peccato maximo
esse ei modica; immo quasi nulla pœni-
tentia

G

pœnitentia

146 Regulae pœnit injung.

tentia imponenda. ita Guido de monte Rotherii, Hispanus, in *Manipulo Cura-*
torum, quem anno 1333. dedicavit Ri-
chardo Archiep. Valentino, Tract. 4.
Magister sent. lib. 4. dist. 15. & 20. D.
Thom. in supplem. 3. p. qu. 5. art. 2. Sco-
tus in 4. dist. 15. art. 3. ad 2. aliquie om-
nes. In actione pœnitentia non tam
consideranda est mensura temporis,
quam doloris, inquit S. Aug. in Enchiri-
dio, cap. 65.

Unde S. BERNARDUS Arnulpho
de Majorcâ in Flandriâ viro illustri, di-
viti, ac delicato nimis, suscepto habitu
& ordine Monastico in Claravalle, con-
fidenti cum gemitu & lachrymis multis
delicta universa, quæ in mundo con-
traxerat, intuens cordis ejus AMA-
RISSIMAM CONTRITIONEM,
& ad omne opus bonum spontaneam vo-
luntatem, injunxit, ut orationem Domi-
nicam tribus vicibus diceret, atque in
suo proposito deinceps usque ad mortem
perduraret. Quo ille audito CON-
TRI-

TRISTATUS respondit : Ne, quæso,
IRRIDEAS famulum tuum. in quo
te, ait, irrideo? At ille ait : JEJUNIA
SEPTEM ANNORUM, VEL DE-
CEM QUOQUE, NON SUFFICE-
RENT MIHI, ETIAM HUMILIA-
TO IN SACCO ET CINERE; &
tu mihi præcipis orationem Dominicam
tertio dicere, & in ordine perseverare?
Et sanctus ad eum : Ergo ne tu me meli-
us nōsti, quid te oporteat facere, ut sal-
veris? Antibi fortè parum videtur or-
dinem tenere, & in ipso usque ad mortem
perseverare? ille verò respondit : Absit ab
anima mea tā iniqua præsumptio: SED
OBSECRO, NE MIHI PARCAS
IN PRÆSENTI, UT MELIUS
PARCAS IN FUTURO; & talem
nunc impone pœnitentiam, quatenus
post mortem carnis ad requiē sine pœna
perveniam. Cui B. Pater ait: Fac, ut lo-
cutus sum; & securum te facio, quod
deposita mole corporis mox ad Deum
sine molestia pervolabis. Ita author libri,

148 Regulae de pœnit. injung.

cui titulus est. Exordium ordinis Cisterciensis. Vel, Liber de initio ordinis Cist. c.22. ex ore eorum, qui cum S. Bernardo vixerunt. Veruntamen tu observa, quanta vita austeras sub S. Bernardo viguerit in Claravalle!

PETRUS quoque DE CORBE
LIO, circa medium seculi 13. Archiep.
Senonensis in Gallia cuiusdam, qui pro-
priam oppresserat filiam, propter ama-
rissimam cordis contritionem septen-
nem duntaxat pœnitentiam imposuit.
*Tunc ille: Quid est, ait, QUOD TAN-
TUM SEPTENNEM POENI-
TENTIAM mihi flagitosissimo injun-
gitis? qui , si viverem usque ad finem
mundi, tantum facinus poenis innume-
rabilibus diluere non valerem. Cui Pra-
fus: vade , et tres dies in pane et aqua
tantum jejuna. Tunc amplius ille plo-
rans et contundens se, rogabat, ut pœni-
tentiam sibi injungeret salutarem: Epis-
copus vero precepit homini, ut abiret
et unum tantum Pater noster diceret.*

Ille

Ille autem hoc auditō dirūm emittens
ejulatum protim̄ exspiravit. Nec du-
bia fides est , sicut DEO dignus idem
Episcopus prædicavit , quod sine poena
purgatorii ad gloriam evolarit. ita circa
annum D. 1470. discipulus , sive Joan.
Herolt, serm. 14. de tempore, ex Thomā
Cantipratano, lib. 2. Apum, cap. 51.
particula 7.

GUILLERMUS Episc. Paris. in
Tract. de Sacram. Pœnit. c. 46. *Ipsa*,
inquit, *Contritio interdum ipsa satisfa-
ctio est, ultra quam nihil requirit Deus à
pœnitente pro omnibus peccatis & deli-
ctis suis: Tantum est enim nonnunquam
desiderium revertendi ad DEUM in
pœnitente; & restituendi, atque augendi
DEO, quicquid subtraxit honoris &
gloriae : Tantis zelus ulciscendi in se-
metipso irrogatas DEO injurias vel
contumelias : Tanta ira & odium in
omnia ea, quæ DEO displicent, vicia &
peccata : Tantus ardor dilectionis in ea,
quæ Deo placent, & ad virtutes & ope-*

150 Regula de pœnit. iniung.

racarum : Tantus dolor de offensione
DEI, & recessione ab ipso: Tam magni-
ficum tanque fervens propositum omnia
aggregandi & sustinendi, quæcunque
DEO beneplacitum fuerit ipsum agere
& sustinere: Tanta humilitas abiiciendi
se & subiiciendi se consilio Ecclesie:
Tanta deprecationis & orationis
devotio ; ut meritò Baptismus fla-
minis vocanda sit ; Baptismus, in-
quam, plena emendationis à cul-
pis, & plena liberationis à poenis ; ut
evolare absque sensu & experiētia pur-
gatorij faciat pœnitentes, si ipsa hora ex
corporibus exceferint. Vide & Viam
Pacis c. i. art. 5. § 4 pag. 113. Atque hoc
loco disce à Guillerino, qualis & quan-
ta debeat esse Cōtritio, quæ virtute san-
guinis, Passionis, & satisfactionis Chri-
sti, per fidem fiduciamque firmam sibi
applicatâ, penitusque immixtâ, animâ
ab omni tam culpæ, quam pœnæ reatu-
mundat.

REG.

Cap. 2. Art. 2. Reg. XII. 151

REG. XII. CAUTUS ET DIS-
CRETUS SACERDOS post iniun-
ctionem poenitentiam dicat poenitenti ;
quod omnia bona, quae fecerit ; & omnia
mala, quae sustinuerit , ei proficiant ad
salutem : ET PRO POENITEN-
TIA HÆC OMNIA (NB.) INJUN-
GAT. ita ex & cum S. Raymundo &
Hostensi, anno D. 1444. monuit Ni-
colaus de Ausmo, Ordinis Min. in sup-
plemento Pisanellæ verbo; Poenitentia.
2. Et rectissimè quidem ; Nam, ut D.
Thomas Quodlib. 3. quæst. 28. docet,
hæc, quæ præter iniunctionem expres-
sionem (i.e. determinatam) facit (poenitentes)
accipiunt maiorem vina expiationis
culpa præterita ex illa generali [NB.]
IN JUNCTIONE, quia sacerdos dicit:
Quicquid bonifeceris, &c. Quia opus,
quod quis facit ex iniunctione sacer-
dotis (etiam generali & indetermi-
natâ) dupliciter valeat poenitenti ;
uno modo ex natura operis (quatenus
videlicet id ipsum à Spiritu S. inhabi-

G 4 tante,

tante, atque in eo, & per eum operante procedit) alio modo ex vi clavium.

Via autem clavium valere ; sive satisfactio sacramentalis esse non possunt opera, nisi ea, quæ vel specificè & determinatè, vel saltem genericè & indeterminatè IN JUNCTA sunt à sacerdote; hoc nimis sensu: *Quicquid respectu hujus Sacramenti, tuo arbitrio vel boni feceris, vel mali patienter sustinueris, id tibi injunctum habeto, & quasi iniunctum facito, ac sustineto;* atque ita si *tibi in remissionem peccatorum:* Neque enim pufx & simplices sacerdotis preces queunt efficere, ut omnia, quæ quoquo modo feceris, bona , sint satisfactio sacramentalis , & virtute clavium valeant apud Deum ; immò verba ista: *Quicquid boni feceris, &c.* juxta D. Thomam , meliorisque ævi & nota Theologos sunt non tam precatio , quam iniunctio , & permisso sive concessio eligendi poenitentiam opportunam.

Cum-

Cumque generalem ist hanc injunctionem admodum parici intelligent, juverit pœnitentem, quod candem, instrui & expressè moneri: Etenim, vel non injungis; vel, cum injungis, ita indicas te injungere. ut cum cui injungis, id intelligere credas: Opera autem non injuncta, satisfactio sacramentalis esse non possunt.

Presbyter (pœnitenti) dicat, inquit ASTESANUS lib. 5. Tit. 31. Charif-
fime; Tu pro quolibet (peccato) deberes sic [modum & tempus hic indicet]
poenitere... sed foriè vita tua ad hoc
agendum non extenderetur: iniun-
tamen tibi pœnitentiam talem pro om-
nibus. CONCEDO etiam tibi, quod
eleemosyna, & omnia alia bona, que
feceris &c. tibi profinet ad remissionem
peccatorum, scil. virtute clavium; præ-
sertim meditatio Dominicæ passionis;
sive Passio D. N. I. C. quatenus eam
respectu hujus Sacramenti quasi ex in-
junctione determinatâ devotè medi-

G. 5 taberis,

taberis, atque in plenam satisfactionem
& defectuum tuorum suppletionem
(meritis quoque B.M.V. omniumque
sanctorum subjunctis) Patri aeterno
obtuleris. Silvester quoque Prieras,
verbo, *Confessor*, quarto, quæst. i. illa,
Quicquid boni feceris, &c. vocat gene-
ralem INJUNCTIONEM.

Benè faceret sacerdos, inquit Ioan. de
Burgo in Pupilla oculi c. 10. Si diceret
ita poenitenti: *Omnia bona, quæ facies,*
& mala, quæ tolerabis, INJUNCO
TIBI PRO POENITENTIA. Et S.
Antoninus, 3. p. summae. Theolog.
Tit. 17. c. 20. ante §. 1. Quando *Confessor*
INJUNGIT *omnia bona*, *quæ faciet*
poenitens, intelligitur, *quæ gratis, sponte,*
& non ex debito, (id est, non ex alia
obligatione) faciet. Rursus, in Confes-
sionali suo, part. 4. c. 48. ait dicendum
esse. *Quicquid boni feceris*, & PRO-
PONIS facere; Atque hoc ipso sat
clarè insinuat, poenitentem ad hoc dis-
ponendum esse, ut (quò satisfactio,
quam

quam ex arbitrio suo præstiterit , sit
sacramentalis) in ipso confessionali
firmum faciat propositum, præter illa ,
quæ sacerdos determinatè injunxit ,
adhuc plura alia , quæ temporis , viri-
um , aliarumque circumstantiarū ratio
permiserit facere , in satisfactionem
præstandi ; adeoque verba illa : *Quic-
quid boni feceris &c. habere hunc sen-
sum : Quicquid boni virtute propositi
generalis & indeterminati modò facti ,
deinceps quasi determinatè injunctum ,
feceris , &c.*

QUÆ VERBA NON SUNT
OMITTENDA , inquit ibidem S.
Antoniūs: *Quia sunt magna utilitatis ,
ut scilicet omnia huiusmodi postea habe-
ant vim satisfactionis etiam ex virtute
clavium ; & sic magis valeant.* Vide &
S. VINCENTIVM Ferrerium , Do-
minica 15. ferin. 2. §. *Quantum ad quar-
tum , hoc ipsum clarissimè insinuantem.*

Optime quoque faciet , & pœniten-
tis infirmitati non parū proderit sacer-

G 6 dos;

156 *Regula de poenit. iniung.*
dos; si eidem inculcat ea, quæ infra c. 7.
num. 1. 2. & 3. docentur.

CAPUT III.

De Purgatorii acerbitate ac diuturnitate ; nec non de indiscretionem tam Confessarii, quam Confidentis.

I. **G**VILLERMVS, ab anno 1228.
usque ad 1249. Episcopus
Parisi. Doctor profundus & unctus, in
Tract. de sacram. Poenit. c. 55. unus,
inquit, & idem poenitēs (ab omni poena)
liberari potest & absolvi, diversarum
[i.e. magis aut minus rigidarum] poeni-
tentiarum iniunctione : Et aequaliter
peccantibus atque poenitentibus iniungi
salubriter possunt inaequales poenitentia
sensitactiones (nimirum dum unus
Confessorius sic, aliisverò aliter judi-
cat) Cum enim in arbitrio Confessoris

¶